

প্রশ্নোত্তর

কি-গো

আজ হঠাৎ মনের কথা জানতে চাইলে
হৃদয় বেদন প্রশ্নটা আজ আমার সামনে তুলে ধরলে

ভয় পেয়েছে বুঝি

কোন সে অচিন তোমার গল্প চুরি করে
তোমার মনের দুখ বেদন বুকে জড়িয়ে ধরে
রাতের পরে রাত জাগিয়া কবিতা রচন করে
তোমার নামের উল্লেখ যার প্রতি বাক্যের পরে

ভাবছে বুঝি

কেনো সে তোমায় ভাবনায় ধরে
শিউলি সুবাস রাত্রি আকাশ তোমায় অর্পন করে
কবিতার কোলে ঘুম রেখে সে শব্দ হয়ে ঝরে
তোমার মনের তৃপ্তি খোঁজে গল্পগুলোর পরে

ভয় পেও না

আমি এক সাধারণ কবি
পৃথিবীর সব সৌন্দর্য আমি কবিতায় বেধে রাখি
সন্ধ্যা হলেই তাদের হাতে আত্মসমর্পণ করি
তোমার জন্য নতুন এক মানব সৃষ্টি করি

শুধু জেনে নাও

আমি কবিতাদের সাথে রাত্রিযাপন করি
নতুন নতুন প্রশ্নদের সাথে ভাব বিনিময় করি
হৃদয় দরজা বন্ধ বলে বাহিরে অপেক্ষা করি
রাত-বিরেতে সুযোগ পেলে তোমার সপ্নে প্রবেশ করি

---আজ রাতে হঠাৎ মন বলল, "কি করিস তুই? কবিতার বিষয় খুজিস? এতো ভাবনার কি আছে। কারও
চোখের সৌন্দর্য ব্যখ্যা করেই তো একটা জীবন কাটিয়ে দেওয়া যায়।"

কিন্তু সত্যি হলো আমি কখনো ভালো করে তোমার চোখের দিকে তাকিয়ে দেখিনি। প্রতিবার তোমার দিকে
তাকানোর পর চোখ ফিরিয়ে নিয়েছি। তাই আজও একটা ভালো কবিতা লিখতে পারলাম না তোমার জন্য।

তাই মন বলল তোমার কাছে তোমার চোখের দিকে তাকানোর অধিকার চাইতে। বল দিবে আমায় সেই
অধিকার? নাকি জল্পনা-কল্পনা নিয়েই বেচে থাকার অঙ্গীকার?

Written By: Md. Siam Mia
Dedicated to: Nur(Suropriya)
December 03, 2023
02:44 am